

## 修心八頌

我於一切有情眾，視之尤勝如意寶，  
願成滿彼究竟利，恆常心懷珍愛情。

隨處與誰為伴時，視己較諸眾卑劣，  
從心深處思利他，恆常尊他為最上。

一舉一動觀自心，正當煩惱初萌生，  
危害自與他人時，願疾呵斥令消除。

秉性邪惡眾有情，恆為猛烈罪苦迫，  
見時如遇大寶藏，願恆惜此大寶藏。

他人出於嫉妒心，非理辱罵謗我等，  
虧損失敗我取受，願將勝利奉獻他。

吾昔饒益助某人，且曾深心寄厚望，  
彼雖非理妄加害，願視彼為善知識。

無論直接與間接，願獻利樂於慈母，  
如母有情諸苦患，我願暗中自取受。

願此一切我所行，不為八法念垢染，  
以知諸法如幻智，無執離縛而解脫。